

ესაკუთა ცუხიშვილი

იაკობ თარაშვილი — ერთგული რაიდეი

უპირველეს ყოვლისა, განსაკუთრებული პატივისცემით უნდა მოვიღონოთ აწ განსვენებული შალგა მარკზაშვილი, რომელიც ნახევარი საუკუნე ემსახურა ილია ჭავჭავაძის საგურამოს სახლ-მუზეუმს და ვისი დამსახურებითაც იაკობ თარაშვილის საფლავი დაკარგვას გადაურჩა. აქვე შევნიშნავთ, დაზუსტებით შეგვიძლია ვთქვათ, რომ იაკობ თარაშვილი ნამ-დღილად თარაშვილია და არა „თორაშვილი“ ან „ბიტარიშვილ-ბიტარაშვილი“, როგორც მას ზოგიერთი ავტორი იხსენიებს.

ჩვენი გამოკვლევით, თარაშვილები ნამდვილად ცხოვრობდნენ გურამიანთკარში, რასაც ვერ ვიტყვით ბიტარაშვილ-ბიტარიშვილებზე (საქ. ცენტრალური არქივის ფონდები), რაც იმაზე მიუთითებს, რომ იაკობი სწორედაც რომ თარაშვილია და არა სხვა გვარისა, ამასვე ადასტურებს მისი მამის საფლავის ქვის წარწერაც.

სრულიად საქართველოს კათოლიკოს-პატრიარქის, უწმიდესისა და უნეტარესის ილია II ლოცვა-კურთხევით და საქართველოს საპატრიარქოს გამომცემლობის (გვ. კოპლატაძე, გრ. რუხაძე) ინიციატივითა და ღვაწლით გეთილმოწყო იაკობ თარაშვილის საფლავი და დაიდო ქვა, რომელიც აღარასოდეს დაკარგვას წარწერას.

ეს ის იაკობ თარაშვილია, რომელიც წიწამურის ტრაგედიას ემსხვერპლა და ილიას ერთგული თანმხლები იყო მისი ცხოვრების უკანასკნელ ათწლეულში.

* * *

შალგა მარკზაშვილი ბრძანებს: „საგურამოელი იაკობ თარაშვილი ობლობაში აღიზარდა. მისი ბიძა ალექსი თარაშვილი ჭავჭავაძის მამულში მეურმედ მუშაობდა. გულმართალი და შრომისმოყვარე კაცი იყო. ერთ დღეს ალექსიმ თავისი პატარა, ოთხი თუ ხუთი წლის ძმისწული თან წაიყვანა; როცა ილიამ და მისმა მეუღლემ პატარა ნახეს, მოწინათ, იკითხეს მისი ვინაობა და ალექსიმაც მოკლედ გააცნო ბავშვი“. „სასკოლო ასაკის ბიჭს

ქალბატონმა ოლდამ წერა-კითხვა შეასწავლა და ქალაქიდან საჭმაწვილო წიგნებიც ჩამოუტანა; გონებამახვილი ბავშვი ადვილად ითვისებდა ყველაფერს¹.

„მაშინ იაკობი ათი თუ თორმეტი წლის ბიჭი იქნებოდა, როცა ილიამ ალექსის სთხოვა, ეს ბავშვი ჩვენ ძალან მოგვწონს, შევეწიეთ და კარგი იქნება, რომ სულ ჩვენთან იყოს, არაფერს მოვაკლებოდა... გადიოდა წლები და იაკობი ილიას ოჯახში ყალიბდებოდა ღირსეულ ჭაბუკად. იყო გულმართალი, შრომისმოყვარე და თაგაზიანი... იაკობი იმდენად ახლოს იყო ილიასთან, რომ რამდენჯერმე ერთად იმოგზაურუს ეტლით არა მარტო თბილისში, არამედ ყვარელშიც. 1906 წელს კი პეტერბურგშიც თან ახლდა ილიას“².

ბატონი შალვა არის მემატიანე იაკობ თარაშვილისა. მანვე შეკრიბა ხალხში გაბნეული მწირი ცნობები და მოგვწოდა ერთ პატარა წერილში თავმოყრილი.

აღსანიშნავია ისიც, რომ თარაშვილები იყვნენ აზნაურებიც და გლეხებიც. მაგალითად, „დარისპან თარაშვილი ხელმოკლე აზნაურიშვილი იყო, უსწავლელი, მაგრამ მუშაობას არ უფრო ხოლო. როგორც ქართველებს სჩვევიათ, უყვარდა მოლენა და ოჯახსაც ეტყობოდა“³. თუმცა, ზოგიერთის, მაგ., აწ განსუენებული პროფ. გვივი უორდანიას აზრით, იაკობ თარაშვილი ეროვნებით ოსი იყო: „პირველ ყოვლისა დილევსკიმ (გამომძიებელი — მ. ც.) გააკვეთინა დაღუპულთა — ილიასი და მასთან ერთად მოკულული მისი მსახურის — ეროვნებით ოსის, იაკობ თარაშვილის გვამები დუშეთის მაზრის ექიმს აბელ იაშვილს“⁴. მაგრამ რის საფუძველზე რაცხს გ. უორდანია იაკობს ოსად, ეს ჩვენთვის უცნობია.

იაკობ თარაშვილი ღირსეული ქართველია და ამაში ქვემოთ დავრწმუნდებით.

* * *

ილიას ვერაგული მკვლელობის შესახებ პირველ ცნობებს გვაწდის გაზეთი „ისარი“: „საგურამოს გზაზე მოუკლავთ ილია ჭავჭავაძე და დაუჭრიათ მისი მეუღლე“⁵. იმავე გაზეთში ვკითხულობთ: „განსვენებული ილია, რაც პეტერბურგიდან ჩამოვიდა, თითქმის სულ საგურამოში სცხოვრობდა. მხოლოდ 27 აგვისტოს ჩამოსულა იგი მეუღლით ტფილისში. წამოსვლისას უთქვამს, საღამოთი დავბრუნდებიო, მაგრამ აღარ დაბრუნებულა და 30 აგვისტომდე დარჩენილა აქ.“

ამ დღეს დილით, ასე 10 საათზედ, განსვენებული მეუღლითურთ საკუთარის ეტლით გამგზავრებულა საგურამოს. წასვლის წინ, როგორც

¹ შ. მარჯოზაშვილი, მოგონებანი წმიდა ილია მართალზე, თბილისი, სხვ., 2002, გვ. 112.

² იქვე.

³ ა. ერისთავე-ხოშტარია, მოთხოვის მოთხოვის, „დარისპან თარაშვილი“, ტფილისი, 1913, გვ. 169.

⁴ გ. უორდანია, მარტვილობა მესიასა, თბილისი, 2005, გვ. 181.

⁵ გაზ. „ისარი“, 1907, 31 აგვისტო, თბილისი.

გავიგეთ, მეუღლეს ურჩევია ქმრისათვის, ნუ წავალთ დღეს, გზაში საში-შიაო, მაგრამ ილიას თავისი არ დაუშლია.

მკვლელობა მომხდარა საგურამოს მახლობლად, ამ სოფლიდან ასე ხუთი ვერსის მანძილზე, ნაშუადღევის $1\frac{1}{2}$ საათზე. იმ ადგილას ტყეა, საიდანაც მოულოდნელად გადმოვარდნილა ოთხი შეიარაღებული კაცი. მხეცებს ეტლი გაუჩერებიათ და მაშინვე შესდგომიან საზიზლარ საქმეს. ილიას თან ჰყოლია მსახური იაკობი, პატარაობიდანვე იმასთან აღზრდილი. იაკობი ეტლიდან გადმომხტარა და გაქცეულა ტყისკენ, მაგრამ ორი კაცი დასდევნებია და იქვე გაუთავებიათ. ეს არ უკმარიათ და თერთმეტ ადგილას დაუჭრიათ. დანარჩენი მისცვივიან ეტლს. ილიასათვის სამჯერ დაუხლიათ რევოლვერი. ორი ტყვია მოჰკვედრია შუბლში, ერთი გულში. დაჭრილს ხმის ამოღებაც კი ვერ მოუსწრია და იქვე დაულევია სული⁶...

გაზეთ „ისარის“ 1 სექტემბრის ნომერში ვკითხულობთ: „...ათის ტყვიით არის განგმირული საბრალო ახალგაზრდა ბიჭი, თორაშვილი, რომელიც ილიას ახლდა...“ მოკლულები სულ გაძარცვულნი იყვნენ: „არა ჩანს ილიას პალტო, პიჯაკი, უილეტი, ოქროს საათი, სათვალე და პატარა ბოლჩა, სადაც საბუთის ქაღალდებს ინახავდა ხოლმე, აღარც საფულე ქისაა. მხლებლისათვის კი ჩექმებიც გაუხდიათ; აღარ ჩანს აგრეთვე რევოლვერები, რომლებიც ილიასა და მის მხლებლებს ჰქონიათ თან“.⁷

იმავე დღეს (1 სექტემბერს) გამოცემული გაზეთი „ზაკავკაზიე“ განსხვავებულ ინფორმაციას გვაწვდის: „ილია ჭავჭავაძე, წელს ფინისში პეტერბურგიდან რომ დაბრუნდა, დაბინავდა ს. საგურამოში, ცოლის მამულში, რომელიც მდებარეობს ტფილისიდან 30 ვერსზე. ორშაბათს, 27 აგვისტოს, დილით ილია თავის ცოლით (ოლგა თადეოზის ასული გურამიშვილისა) და მოსამსახურე იაკობ თორაშვილის თანხლებით, თავის საკუთარი ეტლით წამოვიდა ტფილისში და დაიბარა, რომ იმავე საღამოს დავბრუნდებიო. სოფელში დარჩნენ მოურავი ჯაში და თ. ზ. ჭავჭავაძე, ილიას ნათესავი, რომელიც უკვე ერთი თვე იყო მასთან სტუმრათ. გავიდა ორი დღე და ილია არ დაბრუნებულა. ოთხშაბათს დაბრუნდა რაღაც საქმისათვის იაკობი და თქვა, რომ ილია დაბრუნდებოდა ხუთშაბათს, 30 აგვისტოს, 1 საათზე დღითო, და ისევ წამოვიდა ტფილისში. ხუთშაბათს ილია ცოლითა და იმავე იაკობის თანხლებით წავიდა ტფილისიდან დილის 11 საათზე. შუადღის მეორის ნახევარზე ისინი მიუახლოვდნენ წიწამურს, რომელიც მდებარეობს საგურამოდან 4 ვერსზე. მოსამსახურე იაკობმა დაინახა ოთხი, თოფებითა და რევოლვერებით შეიარაღებული კაცი და გადმოხტა ეტლიდან. შეიარაღებულებმა დაუწევეს სროლა იაკობს და მოჰკლეს. შემდეგ გააჩერეს ეტლი და რამდენჯერმე ესროლეს ილიას. ქნეინა ოლგას ავაზაკებმა სცემეს თო-

⁶ გაზ. „ისარი“, 1907, 2 სექტ. თბილისი.

⁷ გაზ. „ისარი“, 1907, 2 სექტ. თბილისი.

ფის კონდახებით პირსა და თავზე; ქალმა გრძნობა დაჲკარგა და წაიქცა“.⁸

როგორც ვხედავთ, ილიას მკვლელობის მაუწყებელი პირველი წე-
აროები იაკობის გვარს ამახინჯებენ და ნაცვლად „თარაშვილისა“ წერენ
„თორაშვილს“, რაც მიუთითებს იმაზე, რომ პრესას იმთავითვე აკლდა
პასუხისმგებლობა და სერიოზული დამოკიდებულება ფაქტების მიმართ,
რასაც ამ საქმესთან დაკავშირებული სხვა ფაქტების არაერთგვაროვნად
გადმოცემაც ადასტურებს.

მოგიანებით გაზ. „ისარში“ ვკითხულობთ: „ილია ჭავჭავაძის მოსამ-
სახურეს იაკობ ბიტარაშვილს ჰქონდა ორი ჭრილობა ტყვიისაგან და 21
საფანტისაგან. ტყვია, რომელიც იმის გვამიდან ამოვიღე, იყო რგვალი და
იმ ზომისა, როგორსაც კაშიან თოფისთვის ხმარობდნენ უწინ. ნახვრეტნი
ტყვიისაგან ილიასა და ბიტარაშვილის სხულზე ერთის ზომისაა დაახ-
ლოვებით. ამიტომ ვფიქრობ, რომ ილია ჭავჭავაძე იმგვარის ტყვიისაგან
არის მოკლული, როგორითაც იაკობ ბიტარიშვილი. ექიმი ა. იაშვილი“.⁹

დავითტერესდით 1907 წლის აგვისტო-სექტემბრის მოულენების თანმიმ-
დევრობით, გავეცანით დაკითხვისა და გვამების დათვალიერების ოქმებს,
აქვე ძოგვებს უცვლელად იაკობ თარაშვილის (დოკუმენტში: ბიტარიშვი-
ლის) გვამის გაკვეთის აქტი.

„1907 წლის 31 აგვისტო.

იაკობ ბიტარიშვილის გვამის გაკვეთის აქტი.

აქტი. 1907 წლის 31 აგვისტო. მე, დუშეთის მაზრის გამომძიებელი,
გამოცხადდი სოფელ გურამიანთკარში და ქვემოთ დასახელებული თანა-
მონაწილეების თანდასწრებით და დუშეთის მაზრის ექიმის იაშვილის მეშ-
ვეობით მოვახდინე ადგილობრივი მცხოვრების იაკობ ბიტარიშვილის გვა-
მის გაკვეთა მისი სიკვდილის მიზეზის დადგენის მიზნით.

გარეგანი დათვალიერება. გვამი დასვენებულია მაგიდაზე, ადგილობრი-
ვი მემამულის თავად ილია გრიგოლის ძე ჭავჭავაძის სახლში. იგი საშუ-
ალო სიმაღლის, მკვრივი აგებულების, შეხედულად 30 წლამდე ასაკისაა.
აცვია ახალუხი, ჩითის პერანგი და სატინის შარვალი. ფეხზე შავი წინდ-
ები აცვია. ორივე მუხლის ქვედა ნაწილზე წითელი ფერის ადგილობრივი
მაუდის ნაჭრი აქვს შემოხვეული. გვამის გვერდით დევს ჩოხა, რომლის
საყელო გასისხლიანებულია. სახე, გულმკერდი, მუცელი და ორივე ხელის
მტევნები გასისხლიანებულია. სახის მარცხენა მხარე და კისერი, აგრეთვე
მარცხენა ყური თოფის წამლით მიღებული სიდამწვრისაგან მთლად გაშ-
ავებულია. ტუჩქებზე სისხლი აქვს შემხმარი. მარცხენა ლოუაზე შეიმჩნე-
ვა ცერა თითის სიგანის ცეცლხნასროლი ჭრილობა, რომლის მრგვალი
ხრველი შიგნით და ქვევით მიემართება. ქვედა ყბის მარცხენა ლავიწი
ჩამსხვრეულია. გულმკერდის ძვლის ზედა ნაწილის შუაში მდებარეობს

⁸ გაზ. „ზაკავკაზიე“, 1907, 1 სექტ.

⁹ გაზ. „ისარი“, 1907, 23 სექტემბერი.

მცირე, ცერა თითის სიგანის ჭრილობის ხვრელი. ამ ჭრილობის ირგვლივ და კისრის წინა მხარეზე განლაგებულია საფანტით მიყენებული 21 ჭრილობა. ორი საფანტი ისინჯება გულმკერდის კანის ქვეშ. მარცხენა ბეჭის ქვედა კუთხეში ისინჯება მყარი სხეული, რომელიც ამოღებული იქნა და მრგვალი ტყვია აღმოჩნდა. გულმკერდის ქვეშიდან ასევე ორი საფანტი იქნა ამოღებული.

შინაგანი დათვალიერება. კისრის ორგანოები: კისრის კანქვეშა უჯრედები სისხლითაა გაჟღენთილი. კისრის მიდამოებიდან რვა ცალი მრგვალი საფანტი იქნა ამოღებული. ხორხის ქვემოთ სასუნთქი მილის წინა კედელი საფანტითაა გახვრეტილი.

გულმკერდის ღრუ, გულმკერდის ძვლის ზედა ნაწილი ტყვიითაა გახვრეტილი. ჭრილობის ხვრელი შემდეგ მარცხენა ფილტვის ქვედა ნაწილში ფუქსითან ახლოს გადის. ხერხემალთან ახლოს მეშვიდე ნეკნი გახვრეტილია. ჭრილობის ხვრელი ამ ნეკნის უკან ზურგის კანქვეშ მთავრდება. მარცხენა ფილტვის ზედა წილადში საფანტით მიყენებული ერთი ჭრილობა აღმოჩნდა. გულმკერდის ღრუ თხევადი შედედებული სისხლითაა საჟსე. ორივე ფილტვი და გული სწორი განვითარებისაა, რაიმე პათოლოგიური ცვლილების კვალი არ გააჩნიათ.

დუშეთის მაზრის ექიმი ა. იაშვილი.

გამომძიებელი კ. დილევსკი.

თანამოწმები: სოფელ გურამიანთ კარის მცხოვრები სიმონ ჩიხაშვილი და ვასილ ნარიმანიძე. ორივე წერა-კითხვის უცოდინარი.

მოსაზრება: იაკობ ბიტარიშვილს ორი ჭრილობა მიყენებული აქვს ტყვიით, ხოლო 21 ჭრილობა საფანტით. სავარაუდოა, რომ ყველა ჭრილობა მიყენებულია ერთი ორლულიანი თოფით ან ორი სანადირო თოფით. სავარაუდოა, რომ ერთ-ერთი ორლულიანი თოფის ერთი ლულა ტყვიით და საფანტით იყო დატენილი. ბიტარიშვილის სიკვდილი გამოიწვია ტყვიით მიყენებულმა ჭრილობამ, კერძოდ, ფილტვისა და გულმკერდის სისხლძარღვების დაზიანებამ. ლოფაზე ტყვიით მიყენებული მეორე ჭრილობა სიცოცხლისათვის საშიშ მძიმე დაზიანებას მიეკუთვნება. ეს ჭრილობა, სახის სიდამწვრის მიხედვით თუ ვიმსჯელებთ, მიბჯენითი სროლით უნდა იყოს მიყენებული. სხეულიდან ამოღებული ტყვია მრგვალი ფორმის და მცირე კალიბრისაა, მოცულობით კაჟიან თოფებს რომ ტენიან, იმ ტყვიისნაირია.

დუშეთის მაზრის ექიმი ა. იაშვილი¹⁰.

გამ. „ისარში“ დაბეჭდილი ამონარიდი და აქტის ბოლო მონაკვეთი ერთმანეთს არ ემთხვევა. ასევე 1 სექტემბრის ნომერში ვკითხულობთ: „ილია ჭავჭავაძის შუბლი ბერდენას ტყვიით (ბერდენის თოფის გილზი ნახეს) არის ჩანგრეული, ის შუბლი, რომლის ნაფიქრსაც არა ერთსა და ორის

¹⁰ საქ. ეროვნული არქივი, ფ. 116, აღ. 1, ს. 13363, ს. ფ. 47-48.

თაობისათვის ახალი ფიქრები აღუძვრის, ბერდანის ტყვიით არის განგმირული ილია ჭავჭავაძის გული, რომლის ნაგრძნობსაც ქართველთა მრავალი თაობისათვის გული აუძგერებდა და თვალთაგან ცრემლი უღვრევინებდა. და ამის ჩამდენი საბედისწერო ტყვია ქართველის გამოსროლილა!

ათის ტყვიით არის განგმირული საბრალო ახალგაზრდა ბიჭი თარაშვილი, რომელიც ილიას ახლდაⁱⁱ.

როგორც ვხედავთ, ექიმ იაშვილის მიერ 31 აგვისტოს შედგენილი აქტი იაკობ თარაშვილის სიკვდილის მიზეზად ორი ტყვიითა და 21 საფანტით მიყენებულ ჭრილობებს ასახელებს, განსხვავებით გაწეო „ისარში“ მოცემული ცნობისაგან (1 სექტემბერი), რომლის მიხედვით იაკობი „ათი ტყვიით იყო განგმირული“. მიუხედავდ ამისა, დასკვნის გამოტანა იმის თაობაზე, რომ იაკობი მკვლელებმა ფაქტობრივად დახვრიტეს, მაინც შეგვიძლია, რის საფუძველსაც აქტში შემორჩენილი ერთი დეტალი გვაძლევს, სახელდობრ, რომ ლოყაზე მიყენებული სიცოცხლისათვის საშიში ჭრილობა იაკობისთვის მიძღვნითი სროლით უნდა ყოფილიყო მიყენებული,

ილიას მკვლელობის თანამონაწილებ გიორგი (იგივე თომა) ზიზანიშვილმა ბოქაულს უამბო შემდეგი: „წინა დამეს (29.08.1907 — მ. ც.) მოვიდნენ ჩემთან წიწამურში ივანე ინაშვილი, გიგლა ბერბიჭაშვილი, პავლე ფშავლიშვილი (იგივე აფციაური) და ერთი იმერელი, რომლის გვარი და სახელიც მე არ ვიცოდი. ივანე ინაშვილმა სთქვა, ჩენ გამოგვგზავნა კომიტეტმა, რომ ჭავჭავაძე მოგკლათ, რადგან ის აწუხებს გლეხებსო. იმ დამესვე ესენი სულ ერთად წაგიდნენ ტყეში და მე მითხრეს, დილით ადრე იმათთან მივსულიყავ. მეორე დღეს დილით მეც იმათთან ავედი მაღალ ტყეში. იქ იმათ მე და ფშავლიშვილი დაგვაყენეს დარაჯვებად — ფშავლიშვილი ქალაქის მხრიდან, ხოლო მე საგურამოს მხრიდან და გვითხრეს, როცა მოდიოდეს, დაგვისტვინეო. თითონ ინაშვილი, ბერბიჭაშვილი და იმერელი გზას ქვევით ჩავიდნენ.

როცა გამოჩნდა ეტლი ჭავჭავაძისა, პირველმა დაინახა ფშავლიშვილმა და დაუსტვინა, იმავე დროს გაიქცა ინაშვილისგნ. როცა მოვიდა იმ ალაგას ეტლი, ერთბაშად წაესივნენ ყველანი და სროლა დაუწყეს, მე კი ისევ მაღლა ვდარაჯობდი. როცა მოკლეს ჭავჭავაძე და დაბლა გადმოვარდა გულაღმა ეტლიდან, მივარდა ბერბიჭაშვილი და თოფის კონდახით დაუწყო თავში ცემა კნეინას. იმავე დროს ინაშვილმა ილიას საათი ააგლიჯა. როცა ისინი ამას აკეთებდნენ, მე ჩემს ალაგას ვდარაჯობდი, რომ ყაზახები ან სტრაჟნიკები ან პოლიციელები არ მოსულიყვნენ. როცა კნეინას დაუწყო ცემა კონდახით ბერბიჭაშვილმა, მაშინ ლაქია გადმოხტა ეტლიდან და რევოლვერი ესროლა მათ. არ ვიცი, დაიჭრა ვინმე თუ არა. ამის გამო სუსელანი გამოეკიდნენ ლაქიას. ლაქია გაიქცა ქვემოთ ჯაგებისკენ. იქ

ⁱⁱ გაზ. „ისარი“, 1907, 1 სექტ.

- „განაჩენი“ გ. ბერბიჭვაშვილის საქმეზე. ფოტოპირი, გვ. 248-249, 254-255, 257.

Изменения в гидрографии реки Кубань в 1905-1921 гг. и в 1921-1930 гг. Составлены на основе материалов гидрологической станции Краснодарского края и сопутствующих гидрографических материалов. Время изучения гидрографии Кубани в 1905-1921 гг. определено по материалам гидрографической станции Краснодарского края.

1926/12/26 10:00 AM

1907 օյնս 30 օցանիս վ. առողման
կայութեան լոյցը ըստ շահուածուի պահ
ու 267 հազ. ու 118 մետր ծառաբեր ու ու-
շնչառութիւն ի հոգութիւն այս եպահուած
մաս առ յի մեջ - մաս հոգութիւն, առ յի
ու յոզ նաև անդ ըստ այս այլ ու ու-
շնչառութիւն է։ Եմուս նաև առաջաւած է
այս յի մաս կայութեան առաջաւած է այս
ու մաս ի հոգութիւն յու առաջաւած է այս
5 յան յանուան յու այլ 267 հազ. ու ու-
շնչառութիւն, առայս յանուան յու այլ առա-
յան ու ու-
շնչառութիւն, առայս յանուան առաջաւած է այս
ու յան յանուան առայս յանուան առաջաւած է այս

~~8 min~~ ~~for 2 hrs for 2 hrs 23.36 my mind is~~ ~~now very~~
~~by my min my min 23.36.816 n 23.36 my mind is~~

July 82 further analysis suggests the flow of water
down hill through the upper reaches of the
valley.

Հայութ եղանձոց պահակ, որդուս
 ինքնաշխատ, ուժագույն, զարգացած վառ-
 առ և բարօպ պահակ ու զարգացած
 աշխատական. -

Հայութը եղանձոց պահակ է առաջարկութեա-
 յա առ զարգացած, ուժագույն և
 առ առ լաւագույն լափակ զարգացած
 19-320 Տար 7 տա. Հայութը պահակ:
 Խ. յանձն (յանձն) Այս աշխատական
 ուժագույն ուժագույն 11.1.58 13 տար
 և 6 ամ. բարօպ պահակ է առաջարկութեա-
 յա պահակ առաջարկութեա- 60 x 63 մ 7 յա,
 անու դաս ու զարգացած սահմանա.

Առաջարկ 1.1.1.3. 88 Տար պահակ պահա-
 կ է առաջարկութեա պահակ զարգացած
 ուժագույն օրինակ առ 2058 պահակ ու դար.
 Հայութը լավագույն ու լավագույն
 պահակ պահակ է 1952 թվական.

Առաջարկ այս պահակը
 այսպահակ է առաջարկ
 Տար պահակ: 1 / 3. 13/3.
 2 / 3. 13/3

რამდენჯერმე თოფები დაახალეს. არ ვიცი, მოპკლეს თუ არა“.¹²

გიორგი ხიზანიშვილი ისეთივე მკვლელია, როგორც ინაშვილი, ბერბი-ჭაშვილი და ფშავლიშვილი. ამ ჩვენებით, როგორც ვხედავთ, ორჯერ იმართლა თავი, რომ: „მე ჩემს ალაგას ვდარაჯობდიო“, რითაც უნდოდა მოქმდინა თვითრეაბილიტაცია და, ცხადია, იაკობსაც ჩირქი მოსცხო, ვი-თომლაც ილიას მკვლელობისას იგი ეტლში შშვიდად მჯდარა და მხოლოდ მაშინ გადმომხტარა იქიდან, როცა გარეწარ მკვლელ ბერბიჭაშვილს თო-ფის კონდახით დაუწყია ოლდას ცემა.

ხიზანიშვილის ჩვენებაში სწორი უნდა იყოს ის ფაქტი, რომ იაკობმა მკვლელებს თოფი თუ რევოლვერი ესროლა, რაც სხვა ფაქტებიდანაც მტ-კიცდება.

„ზუსტი სურათი ასეთი იყო. მიუახლოვდა თუ არა ეტლი დათქმულ ადგილს, სადაც მკვლელები იყვნენ ჩასაფრებულნი, თედო ლაბაურმა, რო-მელიც წინასწარ იყო მკვლელთაგან გაფრთხილებული, ეტლი შეაჩერა. ტყ-იდან გამოცვილენენ „იმერელი“, ბერბიჭაშვილი, ინაშვილი, ფშავლიშვილი (იგივე აფიაური). პირველი ტყვია ილიას ესროლეს. მგოსანმა იარაღის ამოღება მოასწრო და ერთი შესძახა — „რას სჩადიხართო“. ტყვიამ შიგ გულში გაუარა და სამუდამოდ დახუჭა თვალი. შუბლი თოფის კონდახის ორჯერ დარტყმით ჩაუმტვრიეს.

ბერბიჭაშვილმა თოფის კონდახი ურტყა თავში ოლდას და იგი თავგაჩქ-ილი ეტლიდან გზის პირს გადავარდა. სუფრაჯი იაკობ თარაშვილი კოფო-დან გადმოხტა, მკვლელებს რამდენჯერმე ესროლა, ბერბიჭაშვილი ფქში დაჭრა და არაგვის მხარეს ტყეში გაიქცა, მაგრამ მკვლელები გაეკიდნენ და იაკობი ტყეში ჩაცხრილეს. 13 ჭრილობა პქონდა, 2 ტყვიით და 11 საფა-ნტის თოფით. როგორც შემდეგ ექსპერტი იაშვილი ივარაუდებს, მისთვის იმავე თოფიიდან უსვრიათ ტყვია, რომლითაც ილია მოკლეს...“¹³

6. გრიგალაშვილის მიერ აღწერილ ფაქტში სიმართლე მხოლოდ ისაა, რომ „იაკობ თარაშვილი კოფოდან გადმოხტა, მკვლელებს რამდენჯერმე ესროლა, ბერბიჭაშვილი ფქში დაჭრა...“ პირველი ტყვია ეტლის კოფოზე მჯდარ იაკობს მოხვდა, თუ ილიას, ეს არ არის განსჯის თუმა. მთვარი ისაა, რომ იაკობ თარაშვილმა მყისიერი რეაგირება მოახდინა მკვლელების ტყიდან გამოცვენისთანავე, რაც შემდეგიდან იკვეთება: „ჩვენ დავალებული გვქონდა მკვლელობის აქტის შესრულება, ხოლო მეტლე ლაბაურს დავა-ლებული პქონდა დანიშნულ აღგილზე ნელა წამოყვანა ეტლი. სწორედ იმ ადგილზე, სადაც ახლა ძეგლია დადგმული, ძეგლად გზა იყო. როგორც კი ეტლი მიუახლოვდა ხიზანიშვილს, მან მიზანში ამოილო და ესროლა ილია ჭავჭავაძეს; პირველივე ტყვია მოხვდა. გაისმა ქალის კივილი. ილიას სიკვდილისთანავე წამოვარდა იაკობ ბიტარიშვილი, რომელიც ფეიქრიშ-

¹² გზ. „ისარი“, 1908, 23.02.

¹³ 6. გრიგალაშვილი, თანამდევი სული, ნაწ. II, თბილისი, 2011 წ. გვ. 263.

ვილის ტყვიით იქნა მოკლული. ფეიქრიშვილის თოფის გასროლისთანავე ყველა გამოვიდა ტყიდან, ჩვენც ვისროლეთ. მე დავიჭური მუხლის თავზე მსუბუქად“.¹⁴

ეს არის ამონარიდი ბერბიჭაშვილის დაკითხვის ოქმიდან, რომელიც მიცემულია წინასწარი ძიებისათვის 1941 წლის 29 მაისს.

ამ მონათხრობიდან საყურადღებო არის ის, რომ იაკობ თარაშვილი არ გადმომხტარა ეტლის კოფოდან და არ გაქცეულა ტყისკენ (როგორც ამას თითქმის ყველა აღნიშნავს), არამედ „ილიას მკვლელობისთანავე წამოვარდა იაკობ ბიტარაშვილი...“ და ესროლა მკვლელებს.


თუ არა იაკობმა, მაშ, ვინ დაჭრა ბერბიჭაშვილი, თანამზრახველებმა? ეს გამორიცხულია. ბერბიჭაშვილი მუხლში მძიმედ დაიჭრა იაკობის იარაღიდან გასროლილი ტყვიით, რამაც კიდევ უფრო განარისხა მკვლელები. ჩვენებათა სხვადასხვაობის მიუხედავად, საქმის ვითარებაში საქართველოს სსრ უმაღლესი სასამართლო კარგად გარკვეულა, რაზეც მის მიერ შედგენილი საბრალმდებლო დასკვნა მეტყველებს, რომელიც შინაგან საქმეთა სამინისტროს აკადემიის ცენტრალურ არქივშია დაცული: „1907 წლის 30 აგვისტოს ქ. თბილისიდან სოფელ საგურამოში გაემგზავრა დიდი ქართველი მწერალი და საზოგადო მოღვაწე ილია გირგოლის ძე ჭავჭავაძე თავისი მეუღლის ოლღა თადეოზის ასული ჭავჭავაძის, მსახურ იაკობ ბიტარაშვილის და მეტლე თედო ლაბაურის თანხლებით. სოფ. წიწამურთან ახლოს შარაგზაზე ტყიდან მათ მოულოდნელად თავს დაუსხა შეიარაღებული ბანდიტთა ჯგუფი, რომელთაც პირველი გასროლისთანავე ბერდენის ტყვიით განგმირეს მწერალი ილია ჭავჭავაძე, თოფის კონდახით გაუტეხეს თავი ორ ადგილას, მოკლეს ილია ჭავჭავაძის მსახური იაკობ ბიტარაშვილი, რომელმაც შეიარაღებული წინააღმდეგობა გაუწია ბანდიტებს და უმოწყალოდ სცემეს თოფის კონდახით ილია ჭავჭავაძის მეუღლეს ოლღას, გაძარცვეს დაზარალებული და თავი შეაფარეს საგურამოს ტყეს“.¹⁵ „ბრ. ბერბიჭაშვილის ჩვენებით, მკვლელობის ეველა მონაწილე 1907 წლის 30 აგვისტოს ჩასაფრდა დანიშნულ ადგილას და ელოდნენ თბილისიდან გამომგზავრებული ილია ჭავჭავაძის ეტლის გამოჩენას. მეტლე თედო ლაბაურმა მართლაც შეაჩერა ეტლი თანახმად მოლაპარაკებისა და ამ დროს თავს დაესხა შეიარაღებული ჯგუფი ილია ჭავჭავაძის ეტლს. პირველი გასროლისთანავე მოკლეს იგი და ორ ადგილას თოფის კონდახით გაუტეხეს თავი. მოკლეს ილია ჭავჭავაძის მსახური იაკობ ბიტარაშვილი, რომელმაც შეიარაღებული წინააღმდეგობა გაუწია თავდამსხმელებს და დაჭრა კიდეც რევოლვერის ტყვიით ფქში მკვლელობის ერთ-ერთი აქტიური მონაწილე გიორგი ბერბიჭაშვილი (ხაზი ეველგან ჩვენია — მ. ც.). თოფის კონდახებით უმოწყალოდ სცემეს ილია ჭავჭავაძის მეუღლე ოლღა ჭავჭავაძე, კურე-

¹⁴ საქართველოს შსს აკადემიის ცენტ. არქივი, 17612-60, ტ. 1. ს. ფ. 24, 84.

¹⁵ საქართველოს შსს აკადემიის ცენტ. არქივი, 17612-60, ტ. 2. ს. ფ. 248-256.



იაკობ თარაშვილისა (მარჯვნივ) და მისი მამის, ზაქარიას საფლავები.
საგურამოს სასაფლაო.



დაფუ დმრთისმშობლის საყდარში საკურამოს სასაფლაოზე.
ფოტოები ჯგუფისა.

ბიდან მოაგლიჯეს საყურები და გულიდან მედალიონი. გაძარცვეს ილია ჭავჭავაძისა და მისი მსახურის იაკობ ბიტარაშვილის გვამები, ეტლიდან აიღეს მათი ბარგი და მიმალნენ საგურამოს ტყეში.

სასამართლოს ოწმენით ილია ჭავჭავაძე განგმირული არის ბრ. ბერ-ბიჭაშვილის მიერ გასროლილი ტყვიით, რადგან იგი ყველაზე წინ იყო და ილიას მსახურის მიერ გასროლილი ტყვიაც სწორედ მას მოხვდა. ასეთი კი შეუძლებელი იქნებოდა იმ შემთხვევაში, თუ ბრ. ბერბიჭაშვილი სულყველაზე უკან იქნებოდა ჩასაფრებული ტყეში და იქიდან სრულიად არ გამოსულიყო, როგორც ამას თვით იგი უჩვენებს სასამართლო გამოძიებაზე¹⁶.

ზემოთ მოვიყვანეთ ამონარიდი გიორგი, იგვე გიგლა ბერბიჭაშვილის საბრალმდებლო განაჩენიდან, რომელიც გამოცხადდა 1942 წლის 5 იანვარს საქართველოს სხრ უმაღლესი სასამართლოს დიდ დარბაზში; სასამართლოს თავმჯდომარეობდა მოსამართლე ი. ოდიშვილი, ეს არის ყველაზე სრული და ამომწურავი პასუხი კითხვაზე, როგორ მოიქცა იაკობ თარაშვილი ილიას საზარელი მკვლელობისას და გამოიჩინა თუ არა მან სამაგალითო თავდადება მისი აღმზრდები პატრონისადმი.

1907 წლის 30 აგვისტოს (ძვ. სტ.) მომხდარმა წიწამურის ტრაგედიამ საქართველოს ისტორიაში უდიდესი შავი ლაქა გააჩინა და რომლის წაშლა შეუძლებელია, მაგრამ სამაგიეროდ ჩადენილი მძიმე ცოდვის გამოსყიდვა შესაძლებელი. ამ ცოდვის გამოსყიდვისას არც ის უნდა იქნეს დაგიწყებული, რომ ილიასთან ერთად ილიასა და სამშობლოს სიყვარულისა და ერთგულებისათვის სისხლი დაღვარა შვილივით მასთან შეზრდილმა 20 წლის ჭაბუქმა იაკობ თარაშვილმა, რომლის შესახებ სრულიად სამართლიანად და დანანებით წერს ერთი ჟურნალისტი გასული საუკუნის 10-იან წლებში: „ილია ჭავჭავაძის ხსოვნასა და პატივისცემას ქართველი საზოგადოების მიერ (მხრიდან — მ. ც.) ერთი ნაკლი ჩრდილავს, რომელიც, ვფიქრობ, დანაშაულადაც უნდა ჩაითვალოს: როგორც ვიცით, გამხეცებულმა მკვლელებმა ილიასთან ერთად სიცოცხლეს გამოასალმეს პატარაობიდანვე ილიასთან გაზრდილი მსახური იაკობ თარაშვილი, რომელიც „ათი ტყვია-ით იქნა განგმირული“... ქართველი საზოგადოება უღრმეს პატივისცემით ეპყრობა ილიას ხსოვნას და ათას გეგმებს ადგენს იმის სახელის უკვდავ-საყოფელად. იაკობ თარაშვილს, მართალია, არავითარი თვალზილული სამსახური არ შეუძლვის საზოგადოების წინაშე, იგი უბრალო გლეხი, უბრალო მომაკვდავი იყო, მაგრამ თუ იმას გავიხსენებთ, რომ იაკობი ილიასთან პატარაობიდანვე იყო გაზრდილი და შეთვისებული, არა ერთხელ გაუზიარებია ჭირი და ლხინი და ყოველთვის მზად იყო თავი გაეწირა და დაეცეა ილიას უგნევლობა, რაც დაამტკიცა თავის მოწამებროვ სიკვდილით, მაშინ უბრალო სამართლიანობის ვალად უნდა სდებდეს საზოგადოებას,

¹⁶ იქვე, 248-257.

ილიას ერთად არ დაივიწყოს სამარე და ხსენება თავგანწირული დიდბუნოვანი კაცისა.

სხვათა შორის, კვირას თ.-აზ. დეპ. საკრებულოში დავესწარით საზოგადო კრებას, სადაც ბევრი დამსწრე თხოულობდა, რომ ილიას სამი ძეგლი უნდა აეგოსო: მთაწმინდაში, ერევნის მოედანზედ და წიწამურში, და არც ამ კრებაზედ და ჯერ არსად ერთი სიტყვითაც არ მოუხსენებიათ საბრალო იაკობი.

მე თუ მკითხავთ, სამართლიანობაც ამას მოითხოვდა და ილიას ნეშტიც უფრო მოსკენებას იგრძნობდა, რომ იმისთვის **თავგანწირული მეგობარი იაკობი** იმისავე გვერდით დამარხულიყო. რადგან ეს თავის დროზე არ მოხდა, ქლა მაინც ოდნავად უნდა გამოვაკეთოთ ჩვენი დანაშაული. ქართველმა საზოგადოებამ უნდა დაავალოს ქ.შ.წ.კ. სახ. გამგეობას, რომ მარტივად მაინც მოწყოს იაკობ თარაშვილის სასაფლაო და შესაფერი ზედწარწერით, ამ პატარა, მაგრამ ღირსეული კაცის სახელიც შეაფაროს ილიას დიდებულ ჩეროს და მთ უკვდავჰყოფს იგი....

გ. ახალციხელი“.¹⁷

დასკვნის სახით ვიტყვით შემდეგს:

1. იაკობი ნამდვილად იმსახურებს იმას, რომ თავისი ნამდვილი გვარით იხსენიებოდეს. როგორც ზემოთ მოხმობილი მასალებიდან ირკვევა, იაკობი სწორედ თარაშვილი იყო.

2. იაკობ თარაშვილმა შეგნებულად გასწირა თავისი სიცოცხლე ილიას მკვლელების პასუხის გაცემისათვის. ამ ერთდროულად საზარელი და სამარცხვინო მკვლელების მოვლენათა ლოგიკური განვითარება სრულ საფუძველს იძლევა იმისათვის, რომ ვენდოთ რუსულენოგან გაზეთში „ზაკავკაზიე“ გამოქვეყნებულ ცნობას, რომლის მიხედვითაც, „მოსამსახურე იაკობმა დაინახა ოთხი, ოოფებითა და რევოლვერებით შეიარაღებული კაცი, გადმოხტა ეტლიდან. შეიარაღებულებმა დაუწყეს სროლა იაკობს და მოპკლეს“. მას მხარს უმაგრებს ბრ. ბერბიჭაშვილის ჩვენებაც იმის თაობაზე, რომ ილიას მოკვლისთანავე „წამოვარდა იაკობი“, რომელიც ფეიქრიშვილმა მოკლა. თუმცა იგი არაფერს ამბობს იმის შესახებ, რომ სწორედ იაკობის ნასროლი ტყვიით დაიიჭრა მუხლში, მაგრამ ადვილი გასაგებია, რისთვისაც მალავს ამ ფაქტს. მაშინ მას უნდა ეღიარებინა, რომ მკვლელებს წინ თვითონ მოუძღვნდა და სწორედ მისი ტყვიით გაჩერდა დიდი ილიას გული. სწორედ მოვლენათა განვითარების ლოგიკური ანალიზის შედეგად გამოიტანა უმაღლესმა სასამართლომ დასკვნა, რომ იაკობმა შეიარაღებული წინააღმდეგობა გაუწია თავდამსხმელებს და დაჭრა კიდეც რევოლვერის ტყვიით ბერბიჭაშვილი.

¹⁷ გაზ. „ამირანი“, №149, გვ. 4. 04.09.1908.